

二時臨齋儀

◆ 讚佛〈讚佛偈〉

天上天下無如佛。十方世界亦無比。
世間所有我盡見。一切無有如佛者。

◆ 獻佛供養〈念供養〉

供養清淨法身毗盧遮那佛。

圓滿報身盧舍那佛。

千百億化身釋迦牟尼佛。

東方藥師琉璃光王佛。

西方極樂世界阿彌陀佛。

當來下生彌勒尊佛。

十方法界一切諸佛。

大智文殊師利菩薩。

大悲觀世音菩薩。

大行普賢菩薩。

大願地藏王菩薩。

諸尊菩薩摩訶薩。

摩訶般若波羅蜜。

◆ 〈飯食偈〉〈早齋備粥唱誦 若未備粥即免〉

粥有十利。饒益行人。

果報無邊。究竟常樂。

若飯食時。當願眾生。

禪悅為食。法喜充滿。

◆ 〈午齋〉

三德六味。供佛及僧。

法界有情。普同供養。

若飯食時。當願眾生。

禪悅為食。法喜充滿。

❖ 作觀默想 (食存五觀)

計功多少 量彼來處
忖己德行 全缺應供
防心離過 貪等為宗
正事良藥 為療形枯
為成道業 應受此食

結齋

❖ (發願偈)

願佛垂加護 令滅顛倒想
早悟真如心 速證無上道

❖ (結齋偈) (晚間藥石僅誦此偈)

飯食已訖 當願眾生
所作皆辦 具諸佛法